

大專學生齋戒學會 講義

大勢至菩薩念佛圓通章

藕益大師釋·圓瑛法師講義·李炳南居士表稿

往生論

婆薮槃頭（世親）菩薩 造









大勢至菩薩念佛圓通章

藕益大師釋·圓瑛法師講義·李炳南居士表稿

往生論

婆藪槃頭（世親）菩薩造





目次

大勢至菩薩念佛圓通章釋

蕩益大師

一

大勢至菩薩念佛圓通章講義

圓瑛法師

七

大勢至菩薩念佛圓通章表稿

李炳南居士

卅一

無量壽經優婆提舍願生偈（往生論）

婆藪槃頭菩薩造

元魏菩提留支譯

六一

附 般若波羅蜜多心經科會

七七





# 滿益大師淨土集

## 大勢至菩薩念佛圓通章釋

——錄楞嚴經文句卷五

大勢至法王子，與其同倫五十二菩薩，即從座起，頂禮佛足，而白佛言：「我憶往昔恆河沙劫，有佛出世，名無量光。十二如來相繼一劫，其最後佛，名超日月光。彼佛教我念佛三昧；譬如有人，一專爲憶，一人專忘，如是二人，若逢不逢，或見非見。二人相憶，二憶念深，如是乃至從生至生，同於形影，不相乖異。十方如來憐念衆生，如母憶子，若子逃逝，雖憶何爲？子若憶母，如母憶時，母子歷生，不相違遠。若衆生心憶佛念佛，現前當來必定見佛，去佛不遠。不假方便，自得心開。如染香人，身有香氣。此則名曰香光莊嚴。我本因地，以念佛心入無生忍。今於此界，攝念佛人歸於淨土。佛問圓通，我無撰擇，都攝六根，淨念相繼，得三摩地，斯爲第一！」

（以上經文。以下解釋。）

七次次第，先根後識；今識大後方明根大者，以此念佛三昧，亦逗此方機宜；末世衆生，須依念佛得度。又四種三昧，同名念佛，念佛三昧，名爲三昧中王，能攝一切三昧故也。十六觀經云：「但見此菩薩一毛孔光，即見十方無量諸佛淨妙光明。是故號此菩薩，名無邊光。以智慧光普照一切，令離三塗，得無上力；是故號此菩薩，名大勢至。」

釋此圓通，亦爲三意：一明境有通別，二明觀有盈縮，三明證有本迹。

一明境通別者：別則隨舉一根，皆得爲所觀境；如那律等五人，及下觀音大士是也。今云「都攝六根，其境則通。依此六根而修念佛三昧，復有三種不同：一者，惟念自佛，二者，惟念他佛，三者，自他俱念。」

若惟念自佛，則與二十四種圓通是同，唯須一重能所，所謂以六根爲所觀，以妙觀察智相應心品爲能觀。如央掘經云：「所謂彼眼根，於諸如來常，具足無減修，了了分明見。」乃至「彼意根，於諸如來常，具足無減修，了了分明知」等。此則該攝一切諸教，一切禪宗直指法門，罄無不盡也。

若惟念他佛，則與二十四種圓通有別，須知兩重能所。所謂妙觀察智爲能觀，六根爲所觀；六根爲能念，諸佛果德爲所念。由第六識夾持六根，專注佛境，俾眼所見，無非佛色，耳所聞，無非佛聲，鼻所嗅，無非佛香，舌所宣，無非佛號，身所對，無非佛境，意所緣，無非佛法。此則該攝彌陀、藥師、上生等經，及蓮社事想法門，罄無不盡也。

若自他俱念，則與二十四聖圓通同而復別；先須開圓頓解，了知心、佛、衆生，三無差別，自他本自不二；乃托他佛以顯本性。故應佛顯，知本性明，托外義成，唯心觀立。此則開圓解處，與諸聖同；托他佛處，與諸聖異。十六觀經所謂「勝異方便」，今文所謂「不假方便，自得心開」，由其方便最爲勝異，故更不假餘方便也。

二明觀盈縮者：通途教觀，具如前文五根中說。今明念佛三昧，亦有四教不同，一一教中，亦復各有念自、念他、自他俱念、三種差別。

藏教三者：觀此六根，無我、我所，證入滅諦涅槃，名念自佛。以此六根，緣佛三十二相，八十種好，滅罪生福，成出世因，名念他佛。緣想佛境，攝我六根，爲欲淨諸戒品，生定慧，現證果故，名自他俱念也。

通教三者：觀此六根，當體即空，非滅故空，名念自佛。六根如幻，佛身亦然；以如幻根，緣如幻佛，滅如幻罪，生如幻福，乃至得證如幻涅槃，名念他佛。所念、能念，無二幻故，托如幻境，成如幻觀，名自他俱念也。

別教三者：觀此六根，依無明有，斷無明故，九界六根得滅，佛界六根得成，名念自佛。正因佛性，雖復理同，我無緣了，諸佛已具，緣念諸佛果中勝德，不生疲厭，名念他佛。我與諸佛三因平等，諸佛圓證，我今在迷，先念化身佛，助我緣因；次念報身佛，助我了因；後念法身佛，顯我正因；名自他俱念也。



圓教三者：六根皆如來藏，如來藏中，性見覺明，覺精明見，如一見根，見周法界，聞、嗅、覺、知，亦復如是，妙德瑩然，周徧法界，是念自佛。觀一佛身，即是一切諸佛之身；觀一相好，即是一切相好之海；稱一佛名，即是一切諸佛之名；觀一法門，即是一切微妙法門；觀於佛土一塵，一法，即是一切諸塵諸法；見一色身，即是圓見法，報化身，瞻一影像，即是如來三身寶相；名念他佛。諸佛，乃衆生心內之佛，衆生，乃諸佛心內衆生；觀身實相，觀佛亦然；全由性具三德，成彼諸佛果上三身；觀彼諸佛果上三身，即發自心本有三智；名自他俱念也。

三明證本迹者：自行，則本迹俱圓；化他，則四教俱用。還須先約三種念佛以釋今文，次明四種淨土以彰能攝。

約念他佛釋今文者：一專爲憶，即指十方如來。一人專忘，即指迷倒衆生。佛常逢見衆生，衆生常不逢見諸佛，故云：若逢不逢，或見非見。次喻佛憶衆生，更與尋常憶念不同，直如慈母憶子；子今憶母，亦須如母憶子，方得歷生不相違遠。憶者，恆審思量。念者，注心一境。憶念若深，則有現前即見佛者，如遠公三見聖相之類是也。亦有當來乃見佛者，如臨終佛迎，乃至華開見佛之類是也。不惟得見果佛，亦去果佛不遠，如經所明不退菩提，多有一生補處是也。不假方便，謂即以念佛爲第一勝異方便，非餘一切方便所可及也。香、喻諸佛果德。染香人，身有香氣等，喻攬果成因，因能克果也。

約念自佛釋今文者：一專爲憶，以喻本覺之性，隨衆生流轉五道，不相暫離。一人專忘，以喻始覺在無明時，念念背覺合塵。始本不離，故若逢。始本不合，故不逢。本即在始，故或見。始恆迷本，故非見也。十方如來，即指衆生本覺之性，元自豎窮橫遍，能生始覺，喻之如母。始覺在無明時，全體從本覺起，而違背本覺，喻以如子逃逝也。現前見佛，是圓初住。親見本覺法身。當來見佛，是圓五品、六根，相似見於本覺。去佛不遠，謂去自心妙覺極果不遠。不假方便，謂不假諸餘方便，非謂念自心佛不是勝妙方便也。香、喻本覺理性。染香人，身有香氣，喻無明熏，變成始覺也。

約自他俱念，例此可知。

次明四種淨土，以彰能攝者。所謂：凡聖同居淨土，方便有餘淨土，實報無障礙淨土，常寂光淨土也。今以藏、通、二教念他佛，念自他佛，二種三昧，攝歸同居，方便、二種淨土。謂藏七賢，通乾慧性地，皆歸同居淨；藏四果，通見地已上，皆歸方便淨也。以別教二種念佛三昧，攝歸同居，方便、實報、三種淨土；十信位，歸同居淨；十住、十行、十迴向位，歸方便淨；十地證道同圓，由念他佛之力，歸實報淨也。以圓教二種念佛三昧，攝歸四種淨土；五品位，歸同居淨；十信位，歸方便淨；初住去，歸實報淨，亦復分證寂光；妙覺位，歸於究竟寂光淨也。

若夫單念自佛，則通教已辦地上，能歸方便淨土；乾慧性地，不能歸同居淨土。藏教

一總不能。圓教能歸實報、寂光、二種淨土。別教不能。又、圓教但念自佛者，但能豎入上三淨土，不能橫超西方淨土。又、單念自佛，則是諸聖所同，不顯此門獨妙。又單被四教利根，不能普被四教三根，故非勢至化他之本旨也。

問曰：但念他佛，得非心外取境耶？

答曰：圓人熾然但念他佛，了知他佛不離自心。權乘縱未了達自心，究竟心外決無別佛。故此念佛三昧，若迷、若悟，皆可共遵。迷者遵之，則不假方便，自得心開；悟者遵之，則自他不二，始覺合本矣。名爲三昧中王，不亦宜乎！



圓瑛法藏

大佛頂首楞嚴經講義

卯七 勢至根大

分五

辰初

陳白古佛授法

二

詳喻感應道交

三 合喻顯示深益

四

述己自利利他

五

結答所證圓通

今初

大勢至法王子與其同倫五十二菩薩即從座起頂禮  
佛足而白佛言：

此根大圓通，乃都攝六根，非單修一根。若單脩則與六根同，七大中根大，在識大前。今此菩薩，說在彌勒之後，爲對機故。如觀世音不預六根之列，而獨殿後者，中有三意：一、知佛密意，於前教令悟圓入一科中，已密示耳根爲最優。二、知此方衆生，耳根最利，易於修證，如文殊云：「此方眞教體，清淨在音聞。」三、知若對多聞之阿難，一向慣用耳根，但令不順流聞聲，而



逆流照性，便可就路還家；順流聞聲，即是結縛之元，乃爲生死本。逆流照性，即是解脫之要，可入涅槃門。故觀音殿後，敘述解結修證，廣談利生大用，以啓阿難羨慕之心。大勢至，亦知佛之密意，若對此方機宜，修證楞嚴大定，固是耳根爲最，若論普被三根，橫超生死，惟有念佛法門，最簡易、最圓頓、堪稱第一，故說在識大之後。

大勢至，觀經云：「以智慧光，普照一切，令離三途，得無上力，是故名大勢至。」思益經云：「我投足處，震動大千，及魔宮殿，故名大勢至。」又名得大勢，以能成辦一切所應作事故，得大勢力也。悲華經云：「往昔因中，彌陀作輪王時，觀音爲長子，勢至爲次子，今在極樂，居彌陀左右，輔弼佛化，候補作佛。」

阿彌陀名無量壽，乃有量之無量，亦有涅槃。彌陀涅槃之後，正法住世，亦復無量劫，正法於上半夜滅盡，下半夜觀世音菩薩成佛，名普光功德山王如來。佛壽與正法，亦皆無量，正法住世時，大勢至菩薩，教化衆生，候補作佛，至正法於上半夜滅，大勢至菩薩於下半夜成佛，名善住功德寶王如來。法王子，是菩薩別稱，法王指佛，佛爲法王，於法自在。法王子，能發四種心：



一、發廣大心：誓度無邊衆生，於十方世界，攝念佛人，歸於淨土。二、發第一心：誓成無上佛道，雖已分證三德，仍求究竟二嚴。三、發常時心：輔助彌陀觀音，久經劫數，不生厭倦。四、發不顛倒心：歷劫度生，不着度生之相，無度而度，度即無度，能荷擔如來重擔，能承紹法王家業，爲法王眞子，故稱法王子。與其同倫，五十二菩薩；與者共也，倫者類也。要分自行與化他二類：一、自行，同以念佛心，得入無生忍，雖同脩念佛法門，功行淺深不等，或有住乾慧地者，或有住十信、十住、十行、十回向、十地、等覺者，合計五十二位，故曰五十二菩薩，非局定數也。二、化他，同以念佛法門，教化衆生，今於此界，攝念佛人，歸於淨土，功行淺深，所化之衆，亦有五十二位差別。

菩薩具云菩提薩埵，梵語菩提，此翻爲覺，薩埵、翻爲有情，有情即是九界衆生之通稱。六凡衆生，愛情未斷，三乘衆生，識情未盡，故同稱有情。覺有情乃指大勢至菩薩，有三義解釋：一、自利，是已經覺悟之有情，自身本來是佛，若肯念佛，必得成佛。二、利他，能以自覺之道，覺悟一切有情，教化衆生，同心念佛，齊成佛道。三、運智，上求佛覺以自利，運悲，下度有情以利

他，有此三義，名覺有情。即從本座而起，頂禮佛之雙足，以至尊之首，頂禮我佛至卑之足，以表至敬，而白佛言：此是請法之儀，乃是結集經家所敘。

我憶往昔恆河沙劫，有佛出世，名無量光，十二如來相繼一劫，其最後佛，名超日月光，彼佛教我念佛三昧。

菩薩自稱曰我，乃是菩薩假我，及法身真我，不妨隨順世人，同稱爲我，非同凡夫妄執之我。凡夫妄執四大妄身，以爲實我，不了諸法本無我，我執既起，貪、瞋、癡，無不從此而生。或貪財爲我受用，或貪色爲我娛樂，或貪名爲我榮耀，或貪食爲我滋養，或貪睡爲我安息；是我所貪之財、色、名、食、睡，設若爲他人之所妨礙，以及剝奪，則瞋怒之心，勃然而起，此因貪起瞋，即愚癡。是知我執，爲諸惡根本。身心因此不得安樂，世界由此不得和平。

又非同外道妄計之我。外道有二十五諦，最初爲冥諦，冥諦生覺大，覺大生我心，我心生五微，五微生五大，五大生十一根，最後曰神我，計有神我爲萬能，此屬邪知邪見。菩薩已得我空，故非妄執與邪計，凡、外二種我也。我憶往昔，恆河沙劫：我字已如上釋，憶者憶念，明記不忘也。過去稱爲往昔。

恆河亦云殑伽河，此云天堂來，狀其來處之高。此河在印度雪山之頂，無熱惱池流出，無熱惱是龍王名，此池以龍爲名，池有四口，流出四河：東銀牛口，流出殑伽河，此云天堂來，狀其來處之高，即恆河，闊四十里，河底銀沙，沙細如麵。南金象口，流出信度河，此云驗河，河底金沙。西琉璃馬口，流出縛芻河，此云青河，河底琉璃沙。北玻璃師子口，流出徙多河，此云冷河，河底玻璃沙，中國黃河源。佛所住祇園，相近恆河，凡言數目之多，常取河沙爲喻。此言恆河沙劫，以顯經時之久也。劫具云劫波，此云長時分。

有佛出世，名無量光者：於時有佛，出現於世間，佛梵語具云佛陀，此言覺者，乃大覺悟之人，具本覺之妙理，發始覺之妙智，證究竟覺之妙果，方名爲佛。佛在因地之中，亦是人道一衆生，修成爲佛。本覺者，即衆生本有之佛性，人人本具，個個不無，此性即衆生六根之中，不生不滅之眞性，亦即眞如妙理，隨衆生之染緣，其體不變。前云：「縱汝形銷，命光遷謝，此性云何，爲汝銷滅？」隨緣不變，故謂之妙。本覺妙理，雖人人本具，多皆迷而不覺，故爲衆生，或遇知識開導，或閱經教開悟，了知衆生，具有佛性，本來是佛，是爲始覺，由不覺而方始覺悟也。此始覺即屬妙智，依此妙智，返照妙理，

照澈心源，而成究竟覺之佛果，是謂三覺圓，萬德具，爲大覺悟之人。超九界以獨尊，爲三界之導師，作四生之慈父，故出現於世間。名無量光者：此佛以光明而立號，因光明勝故，名無量光。然光有身光、智光之別，智光，諸佛同得一切種智，智光相同；身光，有照一由旬，十由旬，百千由旬，或照一世界，十世界，百千世界者。今稱無量者，則普照十方國土，無所障礙，乃至鐵圍山間，日月神光照不到，亦得大明，此無量光佛名，與彌陀名同，因在恆河沙劫之前，當非彌陀，乃同名佛也。同名諸佛甚多，如釋迦古釋迦之類。

十二如來，相繼一劫者：據大彌陀經云：無量光佛、無邊光佛、無礙光佛、無對光佛、炎王光佛、清淨光佛、歡喜光佛、智慧光佛、不斷光佛、難思光佛、無稱光佛、超日月光佛。一、無量光佛，實智照理，無限量故。二、無邊光佛，權智照事，無邊際故。三、無礙光佛，慈光與樂，無障礙故。四、無對光佛，悲光拔苦，無對敵故。五、炎王光佛，光音應化，得自在故。六、清淨光佛，惑垢既離，發淨光故。七、歡喜光佛，令他受用，生大喜故。八、智慧光佛，以大智慧，破諸惑故。九、不斷光佛，常放身光，不斷絕故。十、難思光佛，妙用無盡，難思議故。十一、無稱光佛，具足衆德，不可稱故。十二、



超日月光佛，窺天鑑地，超一切故。此十二如來，相繼一劫，出現世間。

其最後佛，名超日月光：日月雖光，不照覆盆，此佛光明，耀古騰今常自若，逾於千日放光明。彼佛教我，念佛三昧：彼佛就本經文意看來，當指最後一佛，若據大本之意，十二佛名，乃無量壽佛之別號，唯一佛身，此言十二佛相繼出世，則非一體明矣。彼佛教我：言語指示謂之教，教即佛度衆生，方便之法，教以修因剋果，教以離苦得樂。

念佛三昧：即修因剋果，離苦得樂之勝方便。念佛是修行清淨三業之行，三昧是

得定事理一心不亂，

果能念佛，必得三昧，欲得三昧，祇要念佛。念佛有四：一、持

名念佛，聞說佛名，一心稱念。二、觀像念佛，設立佛像，注目觀瞻，三、觀

想念佛。以我心眼，觀彼如來。四、實相念佛，即念自性，法身真佛。此四

種念佛，名字有差別，義理有淺深。今本章念佛，乃是持名念佛，有事念理

念之分：事念者，有能念之心，所念佛號，一心繫念於佛，心佛不相捨離。余

常示人：事念之法，心中惟有佛，佛外更無心，口念心念，心念口念，字字從

心起，字字從口出，字字從耳入。如是念法，不至昏散，念念相繼，無有間斷

。設若念久口燥，心念口不念則可，口念心不念則不可。更有二喻，以喻念佛

之法：一、當如貓捕鼠，提起全副精神，身毛皆豎。又當如鷄抱卵，放下一切思想，飲啄渾忘。果能如是念佛，雖爲事念，不但往生可必，而悟理亦自可期。如空谷禪師云：「不必參念佛是誰，直爾純一念去，亦自有悟日」是也。理念者不必別舉話頭，只須把一句阿彌陀佛，即念反觀，能念心外，無有佛爲我所念。是佛，所念佛外，無有心能念於佛。是佛，能所雙亡，心佛一致，此即中道，理性念佛。終日念佛，終日無佛可念，終日無念，終日念念念佛；若言其有，則能念之心，了不可得，所念之佛，離相絕名；若言其空，則能念之心，靈不昧，所念之佛，歷歷分明。如是念佛，空、有不立，心、佛一如，則持名念佛，通乎實相。雖然四種念佛，後後深於前前，而理念功成，亦前前徹於後後也。

三昧：是梵語，此云正定，即一心不亂，念佛功成也。亦有事一心念佛三昧，理一心念佛三昧。何謂事一心念佛三昧？聞說念佛法門，可以橫超三界，疾出生死，即深信不疑，願生淨土，專心繫念，句句分明，念念相續，行、住、坐、臥，惟此一念，更無二念，即是以一念，而除衆念，不爲內惑外境，之所雜亂。如成具光明定意經云：「空閒寂寞，而一其心；在衆煩惱，而一其心

；乃至訕謗利失，善惡等處，而一其心」者是也。此於事上即得，理上未徹，惟得信力成就，未見道故；但屬定門，無有慧故；祇能伏妄，不能破妄；往生淨土，九品蓮華之中，則在中三品。以功力之淺深，而分上、中、下；而下品三品，乃未得事理一心，念佛三昧者之所生也。

何謂理一心念佛三昧？聞說念佛法門，即是無上深妙禪，即於念佛之時，諦實觀察，念佛即所以念心，心佛一如，能所不二，寂而常照，是無念而念，照而常寂，是念即無念，了知佛即是心，心即是佛，心佛見泯，能所情亡，寂然不動，湛然常住。此不專事相，純修理觀，而得觀力成就，能見諦故，屬慧門攝；兼得定故，安住唯心淨土，親見自性彌陀。往生淨土，當在上三品。生則決定生，去則實不去。以十萬億程外之極樂，亦不出一心之外故也。

三昧是禪觀通名，如智論云：「一切禪定攝心，皆名三昧」是也。此曰念佛三昧，亦名一行三昧。文殊般若經：佛告文殊：欲入一行三昧者，應處空閒，捨諸亂意，不取相貌，繫心一佛，專稱名字，隨彼方所，端身正向，能於一佛，念念相續。即是念中，能見過去、未來、現在諸佛，念一佛功德，與念無量佛，功德無二。若得一行三昧者，諸經法門，皆悉了知。

問：「此教念佛，爲念十方佛耶？爲念阿彌陀佛耶？」答：「爲念阿彌陀佛。」普廣菩薩問佛：十方俱有佛土，何以獨讚西方？佛言：閻浮提人，心多雜亂，令其專心一境，乃得往生，若念十方諸佛，境繁意散，不成三昧，況諸佛同一法身，念一佛，即念一切佛故。又稱念彌陀名號，隨佛本願，願云：十方衆生，聞我名號，乃至十念，若不生者，不取正覺。十念尙得往生，況一心憶念耶？念佛法門，古稱徑中徑，但能淨念相繼，便得往生，如驢驟雖超群馬，未及龍飛；鶴沖已過凡禽，爭如鵬舉。驢驟鶴沖，譬餘門念佛，群馬凡禽，譬其他法門，龍飛鵬舉，譬持名念佛，惟此持名念佛法門，但持六字洪名，便得往生淨土，圓證三不退，其功簡、其效速。

辰二 詳喻感應道交 分二

巳初 先以二人爲喻

二 再以母子爲喻

今初

譬如有人，一專爲憶，一人專忘，如是二人若逢不逢，或見非見。

此明單憶無益。譬如現在世間，有二人，指親友之屬，一人專心爲憶，憶



念此親友，一人專憶他務，忘其親友。如是指上一憶一忘，由此二人，若逢不逢，或見非見：若逢或見，對專憶者言；不逢非見，對專忘者言。二人，譬喻佛與衆生，憶即憶念，記持不忘曰憶，繫緣不捨曰念。一專爲憶，喻佛念衆生也；一人專忘，喻衆生不念佛也。佛專憶衆生，有二種意：一、佛具大悲願故，觀見一切衆生，與我本來同體，我今已成正覺，已得涅槃，衆生尙在輪迴，不了生死，故運大悲願，專憶衆生。二、佛具平等心故，佛在因地，爲菩薩時，尙念念不捨衆生，況今成佛，視大地衆生，皆如一子，故以平等心，專憶衆生。

衆生不念佛，亦有二種意：一、衆生障重故，爲惑、業、苦三，纏縛不脫，於人天因果，尙不肯修，何況念佛法門，故不念佛。二、衆生智暗故，於此念佛，殊勝妙法，可以斷煩惱，了生死，成佛道，現生念佛，能斷一切煩惱妄念，臨終往生，橫超三界輪迴生死，既生彼國，圓證不退，疾成佛道，不生信心，不願往生，故不肯念佛。

是如二人，若逢不逢，或見非見：如是二人，即喻上佛念衆生，衆生不念佛也。佛以大悲願力，常念衆生，遊化娑婆，乃令衆生，若逢或見，如彌陀化

身為豐干禪師，在浙江台州，天台山爲比丘，人皆不識，此即若逢等於不逢，或見成爲非見，都由無念佛之力，及求見彌陀之願故也。

豐干禪師是彌陀化身，出自寒山之口。豐干，在天台山國清寺，住在碾米房，常騎虎出入，衆不知其爲何許人。一日，豐干邀寒山、拾得，同朝五台。曰：與我同行，是我同流，不與我同行，不是我同流。寒山問曰：汝朝五台作甚麼？干曰：朝禮文殊。山曰：汝不是我同流，我不同去。於是干獨行，至杭州，適有閩邱胤，候補多年，家貧破產，是時省府，派任台州府知府，忽患頭痛之病，調治罔效。豐干特爲造訪，閩人拒絕不見。干曰：我特來救他命，爲何不見？閩人入報，閩即延見。干曰：汝何病？閩曰：頭痛欲裂。干曰：取水一杯，吾爲汝治。乃爲持咒訖，以水置手心，向其頭三撲，即時痛止。遂即感謝，叩詢大師法號？住何寺廟？答曰：名豐干，住台州天台山國清寺。閩曰：寺中如大師道行有幾人？干曰：我無道行。寺中高僧，如文殊化身之寒山子、普賢化身之拾得，皆在國清寺內，遊化我國。閩即備禮酬謝，干不受而去。閩到任三天，即到國清寺進香。問知客僧，寒山、拾得二大士何在？煩陪往拜見。知客曰：此二人是瘋僧，大人有何吩咐？閩曰：有欲禮拜。知客曰：可喚之。

前來。閻曰：不可！自當往拜。遂陪至廚房，寒山、拾得，正在灶門烘火，二人且語且笑，人皆不識，所語何義。知客呼寒山、拾得起來，大人與汝說話。閻一見即就地頂禮，二人即奔走。閻追之，至寒山岩二人入，寒山回首曰：「賊！賊！賊！豐干饒舌」多話也，彌陀不事，禮我何爲？」閻趨視岩中不見。寒山、拾得，自此遂不復出焉。豐干亦從此不同國清，聖人應化人間，既經洩露，不能再留。閻在山中，檢查事跡，乃於山上石岩竹木，及鄉間牆壁上，抄錄二大士詩多首，皆是佛法，諷世之意，現刊行於世。錄此因緣，以證佛念衆生，衆生不念佛，若逢不逢，或見非見之事實耳。

## 二人相憶，二憶念深，如是乃至從生至生，同於形影，不相乖異。

此明雙憶不離。二人相憶，二憶念深：自可相見相親，不相捨離，乃至生生同於形影；喻生佛念同，衆生念佛，如佛念衆生相同，久憶不忘，一切時，一切處，佛不離心，乃至盡形壽，亦所不忘也。如是乃至，從今生以至他生，同如形影，不相乖違離異。乃至，超略詞，不但今生常得見佛，乃至往生之後

，常隨佛學，同於形之與影，不相違，不相離也。此形影不離之喻，有二意存焉：一、喻衆生念佛，必得見佛，生佛不相捨離，合下憶佛念佛，現前當來，必定見佛也。二、喻衆生念佛，必得成佛。因果不相捨離，念佛是因，成佛是果，如大勢至菩薩，以念佛心，入無生忍，在極樂國中，輔助彌陀弘化，及輔助普光功德山王佛，次補佛處，即念佛必得成佛，因果不相捨離也。

已二 再以母子爲喻

十方如來憐念衆生，如母憶子。若子逃逝，雖憶何爲？子若憶母，如母憶時，母子歷生不相違遠。

上科二人之喻，親友猶疎；此科母子之喻，骨肉更親。上五句同前，喻單憶無益，下四句同前，喻雙憶不離。又首三句，合前一專爲憶，次二句合前一人專忘。如來母也，衆生子也；世間慈愛最切者，莫過於母親，子不聽教，猶復念念不捨。子若悖逆，忘恩負德，種種不孝，母念或衰，心生悔恨，佛念衆生，更過於母，逆惡重者，佛念更深。又母念子，慈止一世，佛念衆生，慈心無盡，世世相隨，無有退轉。此云十方如來，憐念衆生：憐者哀憐，念者護



念，衆生久在輪迴，備受諸苦，故爲佛之所哀憐；雖在生死，佛性不失，又爲佛之所護念。三昧經云：諸佛心者，大慈悲是。慈悲所緣，緣苦衆生，若見衆生受苦惱時，如箭入心，欲拔其苦。如母親見子受苦，憶念之心更無有異也。

問：前二人一專爲憶，喻彌陀念衆生；一人專忘，喻衆生不念佛；云何此云十方如來耶？答：此有二意：一、即指彌陀一佛。以三世十方，有無量彌陀故。觀經云：從下方金光佛刹，乃至上方，光明王佛刹，於其中間，無量塵數，分身無量壽佛，故曰十方如來。二、通指十方諸佛。謂不唯彌陀一佛，悲願如是，即十方如來，憐念亦然，正顯佛佛道同故。

若子逃逝：喻衆生不念佛，墮惡趣，受極苦。雖憶何爲：喻佛念衆生，單憶無用，不能成益。問：「逃逝與上專忘，同耶？異耶？」答：不念佛不能見佛，雖遇佛若逢不逢，或見非見，不蒙法益則同；而異者，此人專忘，但是不肯念佛，佛若憶念，或可發心，而能成益。此逃逝，非唯專忘，或且謗佛，以不信招愆，墮落三途，佛雖憶念，亦復何爲，即言無益也。如城東老母，佛有意往度，彼不念佛，不願見佛，逃入房中。佛以手指壁，壁如玻璃，復以二手遮其眼，還不願見佛。此足證單憶無益也。

子若憶母，如母憶時，母子歷生，不相違遠：上二句合前，二人相憶，二憶念深；下二句合上，生生不離，此則雙憶成益。子若憶念母親，能如母親念子之心，心心相契，母爲慈母，子成孝子，不但今生，母子不離，乃至經歷多生，母子之緣未盡，不相違背遠離。二字皆去聲。子是衆生，母是佛，衆生若能憶念如來，猶如如來憐念衆生一樣，則生佛感應道交，自然生生世世，常得見佛，常隨佛學，不至遠離。彼佛既教念佛三昧，又舉疎、親二喻，蓋欲念佛衆生，念佛之功，漸次增進，日親日近，非特見佛可必，而且成佛有望矣！

### 辰三 法合顯示深益

## 若衆生心憶佛念佛現前當來必定見佛

此下法合。但合雙憶不離成益，不合單憶無益。上二句重在心字，必要心憶心念，以揀口念心不念也。憶則記持不忘，有時間斷，憶即暫念；念則繫緣不散，念念相續，念即常憶。若衆生心常憶佛，心常念佛，將佛印在心中，念茲在茲，時刻不忘。慈雲懺主云：凡涉歷緣務，而內心不忘於佛，謂之憶念。譬如世人，切事繫心，雖經歷語言，去來坐臥，種種作務，而不妨密憶，前事

宛然。念佛之心，亦應如是。若或失念，速速攝還，久久成性，任運憶念，不勞作意。又復心起妄念，即便念佛，以真念而敵妄念，妄念自消。若見他人受苦，以念佛心，憐愍於他，願其離苦，如是相續，念佛繫心，能辦一切淨土功德。此憶佛念佛，有事有理，前雖已明，此更略說：若事憶念，則專心注意，毫無雜緣，能念所念，心佛分明，唯此一念，更無餘念，念念相續，成就定力，起信所謂：以專意念佛因緣是也。若理憶念，則以妙明心光，圓照自性，能所一如，心佛不二，唯此一緣，更無他緣，湛寂靈明，成就慧力。起信所謂：雖念亦無能念可念是也。如上所釋，事理二種憶念，普被三根：若是上智，則專修理憶念；或有鈍根，則專修事憶念；或有中人，則先修事，然後入理；皆隨機宜，未可一概而論。

現前當來，必定見佛：現前見佛者，於現在生中，念佛功純，或於夢中見佛。法華經云：若於夢中，見諸如來，坐師子座，圍繞說法等。或於定中見佛，大集經，剋期取證，定四十九日，文云：若人專念一方佛，或行或坐，至七七日，現身見佛，即得往生。又般舟三昧經定九十日，文云：若人自誓九十日，常行常立，一心繫念，於三昧中，得見阿彌陀佛。觀經云：無量壽佛，相好

光明，徧十方界，念佛衆生，攝取不捨，故禪觀中，皆得見也。廬山初祖，遠公大師，一生三觀聖相，至第三次，見佛身徧滿虛空，自知往生時至，遂集衆告知，前後見佛之事，乃謝絕諸緣，精進念佛。果至其時，告別諸弟子，跏趺念佛往生。亦有現前念佛聲中見佛者，如往生集云：昔葛濟之夫人，一心念佛，家貧終日織布，機梭一擲，一聲佛號，頻年行之不倦，其夫信道教，勸脩金丹之術；他勸夫學佛，其夫不從，遂各脩其道。一日正在織布，念佛聲中，見彌陀現全身於空中，遂即禮拜，乃喚濟之來看，濟之只見佛上半身。莊嚴光耀，亦即禮拜，由是信從，夫妻同脩淨業，同生淨土。

當來見佛者，或報盡命終，見佛來迎。佛說阿彌陀經云：「執持名號，若一日，乃至若七日，一心不亂。其人臨命終時，阿彌陀佛，與諸聖衆，現在其前，是人終時，心不顛倒，即得往生阿彌陀佛極樂國土。」或託質蓮胞，華開見佛，如一生念佛爲因，必得往生之果，第八識從頂門而出，化佛來迎，託生九品蓮華，以蓮華爲父母。品位高下，乃由一生念佛，勤惰之分，寶池蓮華，並非彌陀變化所作，乃是念佛衆生，自己心力願力所種。十方世界衆生，今天聞說念佛法門，發心念佛，求生淨土，七寶池中，即結一蓮蕊，標名其上。



念佛精進，華大甚速，光色亦好；念佛懈怠，華大亦緩；退心不念，華即枯矣。勤惰纔分，榮枯立見，是爲感應冥符妙。命終往生，即生自己之華；往生者衆，不相錯謬，是爲勝劣分明妙。此華是爲脫凡殼之靈宮，安慧命之神宅。九品華開，隨品位爲遲速；蓮華一開，即得見佛聞法，圓證三不退。所受之身，純黃金色，具三十二相，壽命同佛無量。必定者有三意：一、因果相應；以念佛因，得見佛果，如若往生，早遲必得成佛。二、感應道交：以念力爲能感，現身爲能應，感應之道，必定不差。三、始本契合：專以理念，念本性佛，始覺功深，本覺顯現，於自心中，見法身佛。此皆一定不易之理，故曰必定見佛。

## 去佛不遠，不假方便，自得心開。

上科事念，夢中空中，乃至臨終，皆見他佛；理念本覺顯現，見法身佛，乃見自佛。去佛不遠有二釋：一、既得見佛，或夢中空  
中日中，則此去往生彼國，華開見佛，事在不遠，前見佛是化身，此見佛是眞身。二、既得理念，見本性佛，從此進修，往生上品蓮華，經宿即開，面禮彌陀，親聞妙法，頓證無生法忍，

則去究竟佛地不遠矣！不假方便，自得心開者：約事念，則念佛法門，即勝異方便，不假諸餘方便門，以助顯我本性也。尚不假觀像，觀想、參究，何況其他法門。約理念，則念佛即是念心，心佛一如，自他不二；豈離惟心自佛，而假心外他佛作方便耶？自得心開：即理念功成。古德所云：「一念相應一念佛，念念相應念念佛。」自得心佛開發顯現，得成自佛，以念佛心，始本合一，成究竟佛也。

### 如染香人身有香氣此則名曰香光莊嚴。

此喻憶佛念佛，必定成佛。如染香之人，身上即有香氣；法中，念佛之人，即得佛之氣分：念佛名即染佛名香，近佛身即染佛身香，開佛心即染佛心香。念佛之人，身心皆染佛香，喻上、中、下三根：上根染佛心香，中根染佛身香，下根染佛名香。下二句出三昧名，亦即法門名。以佛法身香，智慧光，莊嚴自己本覺佛。念佛之心，無相無形，不生不滅，即是法身。此心具足靈覺之性，即是智慧。今則念佛，以佛法身香，智慧光，莊嚴自己本覺心佛，故曰香光莊嚴。起信論云：「如世間衣服，實無於香，若人以香，而熏習故，則有香

氣；無明染法，實無淨業，但以眞如而熏習故，則有淨用。」無明染法者，本覺心佛，藏在無明殼也。彼論明在纏如來藏心，今經喻出纏如來藏心，故云：「心開」，即本覺心佛開顯也。

辰四 述己自利利他

我本因地，以念佛心入無生忍，今於此界攝念佛人歸於淨土。

上三句初句因也，二句該因徹果，三句果也，均屬自利，下三句屬利他。我本因地：即自述因地脩行；以念佛心，爲本脩因地心。佛是所念，心爲能念，此心非第六意識心。世人有謂念佛是口念，非也；即說是意識心念，亦非也。能念之心，是不生滅，圓湛根性真心。以大勢至菩薩，明言都攝六根，淨念相繼，不但說識心念者，非也；即單說意根念者，亦非也。此章是根大法門，若單說意根，則與須菩提，意根法門相濫。都攝六根解在下，此念佛即第一決定義所云：「得元明覺，無生滅性，爲因地心，然後圓成，果地脩證」是也。入無生忍者：即依因所感之果也。入、是證入，無生、是所入之理，忍、以慧心

安住此理，亦即慧之定也。念佛爲能入，此忍爲所入。無生之理，始終不異，即不生不滅；迷悟無差，即不垢不淨；生佛平等，即不增不減；證入法忍，地位有殊。如本經第三漸次文云：「一切如來，密圓淨妙，皆現其中。」是人即得無生法忍，謂圓教初住，即得無生法忍，破一品無明，證一分三德，分身百界，八相成道。仁王經云：無生忍菩薩，所謂遠不動觀慧。遠、即第七遠地行，不動、即第八不動地，觀慧、即第九善慧地。以此而觀，前後所證之理是一，能證之功行，不無淺深。喻如象、馬、兔，三獸渡河，所渡之河不異，而入水淺深，非無差別。兔子則水面渡過，腳入水中；馬則頭伸水上，身入水中渡過；象則全身入水，由河底行過。後後勝於前前，實教大菩薩，徹法流之源底，大勢至位居等覺，所證法忍，當非淺淺，上述自利，即以自利者，轉以利他。今於此界，攝念佛人，歸於淨土者：此界、指本土娑婆五濁惡世；淨土、指西方極樂五清淨土。攝者攝受，通於能所，能攝是大勢至，所攝是念佛人；生前則以慈力攝受，令行人念佛之心，堅固不退；臨終則以願力攝受，令行人正念昭彰，接引往生。此界如旅舍，彼土是家鄉。猶如有人，捨父逃逝，馳走他鄉，飄零孤露；菩薩如親友，勸令念佛，即指示歸家道路，併贈以資糧，



方能得歸家鄉，親見本生父母。念佛即具信、願、行三資糧，信則念，不信則不念，念具信資；以念佛爲因，願求往生之果，念具願資；念念念佛，力行不倦，念具行資。以此念佛，所具信、願、行，即贈以歸家三資糧也。能具信、願、行三資糧者，始名念佛人，始得歸於淨土也。又念佛，即具三資糧，聞說念佛法門，心不疑貳，謂之信；信已而解，心起樂欲，謂之願；願已而念，心勤精進，謂之行。彌陀經云：「若有信者，應當發願」，「執持名號」是也。又念佛，即具聞、思、脩三慧，聞說佛名，諦信不疑，爲聞慧；記憶在懷，恆不忘失，爲思慧；持念不輟，無有間斷，爲脩慧。佛地論云：菩薩履三妙慧，淨土往還，是念佛人，必具三慧，方歸淨土。

### 辰五 結答所證圓通

**佛問圓通，我無選擇，都攝六根，淨念相繼，得三摩地，斯爲第一。**

首句牒所問，第五卷前，佛問言：「我今問汝，最初發心，悟十八界，誰爲圓通？從何方便，入三摩地？」故此牒所問。次三句敍本因，後二句明所證

。我無選擇者：佛前備顯六根功德，囑令詳擇其可入者，吾當發明，令汝增進。我於本因，亦是從根修證，但無選擇。都攝六根：外不擇眼耳等六根之相，內不擇見聞等六根之用；都攝者：唯攝一精明，不令託根緣塵，則一精既攝，六用不行，而六根都攝矣！淨念相繼者：衆念不生曰淨，一心繫佛曰念，念念相繼也，無有間斷；一念相應，一念佛，念念相應，念念佛；相應、乃心佛一如，即心是佛，即佛是心，念而無念，無念而念，不落空有二邊，全歸中道，即是理一心也。

得三摩地：乃依因感果，由本脩因，證圓通果。梵語三摩地，此云等持，又云等至，等持即定慧均等任持，雙離昏沉掉舉也；至即是到，由定慧平等，能到勝定故。斯爲第一者：斯指都攝六根，念佛法門，最爲第一。問：「文殊揀選圓通，乃選觀音耳根，偈曰：成就涅槃心，觀世首爲最。今念佛法門，何得稱爲第一？」答：「若對此方之機，娑婆衆生，耳根利故，所以觀音當選。若對十方通論，念佛法門，都攝六根，橫超三界，直截生死，速證菩提，無有何門可及，故稱第一。卯七勢至根大竟，併前二十三位，丑初諸聖略說竟。」

楞嚴經講義第十四卷終

## 大佛頂首楞嚴經正文卷第五終

## 講義第三冊終

經以華言必  
而因西用  
如華不對  
於西言不  
而能於反  
言事也

大佛頂如來密因修證了義諸菩薩萬行首楞嚴經 大勢至菩  
薩念佛圓通章年記 壬亥荷月上浣在慈光圖書館講

◎甲講經因緣 乙特別 之普通

◎乙特別

而 本願願  
弘之經  
講述西方三聖諸經應依次圓成  
於陀觀音二經已圓  
茲應繼講此經

◎乙普通 丙一講經初 二極樂樂 三般若應  
一人脩通 二極樂特 三般若況

丙一 講經初  
人脩通  
道之重要 朝聞夕死 能離苦得樂 人身  
求通今自備師承 人自修諸難 居家難  
師承多易 在中易

○(丙)極樂學  
(佛學學校)  
校特殊

○(丙)為校考  
應知况

我適之樂皆為成佛  
極樂殊現存可師承易

招考不限資格(中外男女老幼)

考來條件念佛一心不亂

畢業不分年制

不收學費一切供給

此界不受魔難不成佛  
彼國不受諸樂不成佛

長餘他利觀音教勢至海眾教授

長利已介若專介教


大勢至菩薩介若

昔為要淨念王太子  
後徒觀音極樂作佛  
觀音日悲勢至日智  
在教勢力至極化留成  
此經可在大勢至修  
亦是校考極樂參考書



◎甲 經章溯源

◎乙 小考  
述畧



◎甲 釋題  
乙 一題四法 二 三 四 五 題

◎乙 一 題 括四法(教理行果)

注釋

教三要：主旨、經典、法儀。理三類：實、權、中。行六要：施、戒

思進定慧。果三種。小入聖。中。極。

◎ 二 經 題

注釋

大表難限量義

佛頂表奇妙義

如來乘如實道乘成止覺  
乘此垂化

迷暗即無明  
發明便解脫

密因密人不知  
因謂妙心自迷本具

脩證修行正因證得正果

了義究竟徹底顯明方便

三障已除  
二死永亡  
無情不假修證  
而修心能將覺  
情即覺情皆

諸菩薩權乘實教自覺他

行權乘未能三輪體空  
不見真相實教乃中道了義  
無情而情情即無情證而無證。

贊


(真如自在乘應異於華嚴被牽者生)

理


教(終盡無明空易亡亡究竟覺滿無事可了)

○修證了義

不了局



刀頭紙密



與理。與證。與  
原。本。具。而。證。及  
因。證。而。證。即。要。  
證。歸。要。而。得。

萬行

六度四攝 智慧變運  
一切修行

首楞嚴

一切事相究竟堅固  
具足圓定妙定二義

果

經

契合義更真實攝帝法

通

非初止妄

堅固帝位(手依理起金事即理極深心全相即心)

無生不動(不受常隨緣隨緣還不受)

定中之王(十方薄伽梵一路涅槃門)

貫通圖理修證令不散失

攝受應度之機令獲勝益

帝三諸佛不能易其說

法界眾生皆應遵其軌

◎三章題

注釋

大勢至以智慧光普照一切令離三途得無上力。投足震動大千。及魔宮殿。

菩薩等覺位

唯念自佛止觀直指斷惑見性

念佛是心是佛以心作佛(分三類)

唯念他佛攝根能念於彼諸佛所念亦生

正修戒成就  
修後戒成就  
未修戒成就  
就其不安時  
契微也  
此字乃平  
五字士吉  
字五字士  
國通字五  
者不果如  
大也

「圓通」  
「圓通」諸法不淨  
「圓通」世間無碍  
「圓通」初圓通  
章文第十章句


「自他俱念」  
大開圓解，了知三無差別  
記他佛以顯自心

◎甲 正文 乙 一陳白古佛授法 二詳喻感應道交 三合喻顯示

深益 四述亡自利利他 五結答所證圓通

◎乙 陳白古佛授法

注釋





大勢至法王子」(通)發四種心、(一)廣大心、誓度無邊眾生、(二)第一心、誓成佛道、(三)常時心、上求下化、終久不厭、回不顛倒心、證無匹證、度無所度、皆不著相。(別)健視音、普光功德山王如來、作伴、名善住功德寶王如來。

「同倫」同在西方來者。

「五十」三乘合說十位中之乾慧地、大乘說信住行向地覺、今連乾慧。

「劫」時分義、合一千六百萬年為小劫、二十小劫為中劫、四中劫為大劫、此指大劫言。

「有佛出世」佛即覺性、人具本覺之妙理、發始覺之妙智、

修隨分覺之妙行，證究竟覺之妙果。未為三界導師，作  
四生慈父，故現於世。

無量光。光有身智之別，智光伸，皆同，身光所現，各  
依願力而有異，無量者，橫窮豎徧也。

十二如來（無量光）實智照理，無限量故。（無邊光）權智  
照世無遺餘故。（無碍光）慈光共樂無障礙故。（無對  
光）悲光拔苦無敵對故。（炎王光）光音應化得自在故。  
（清淨光）滅垢離離發淨光故。（歡喜光）令他受用得不缺  
善喜。（智慧光）以智慧破諸惑故。（不斷光）常放身光不斷  
絕故。（難思光）妙用無盡難思議故。（無相光）具足眾德

不可稱故。(超日月光)窺天鑑地超一切故。

「相繼一劫其最後佛」無量壽經：十二佛名，皆弥陀別號，而此  
云相繼最後，實為十二尊佛。此有二義，一者弥陀一劫化  
應十二次。二者弥陀義為無量，以光而論，十二佛光，弥陀盡  
包括之。

「念佛三昧」此章擇自他俱念式一行三昧法。

持名法

修念佛

(事念)能念心，所念佛，不相捨離，如貓捕鼠，如雞  
抱卵，三輪清楚。

(理念)一向洪名，即念反觀，能念心外，無有佛所念，

所念佛外，無有心能念，空有不立，心佛一如。

念佛要修念  
要念念念  
言有心佛望  
言空心佛空  
持名一法  
要相

超日月事  
教勢至大士  
舍何伊國不  
知他勢至教  
我即舍法也

異廣若房  
同佛之方供養  
佛去何獨贊  
西方佛之供養  
我亦多福哉  
今其身舍之  
現乃信也

# 得一心 即三昧

(事三昧)以一念除衆念，不為內惑外境雜亂，願生淨土，而一心信力成就，未見道故，祇能伏惑。  
(理三昧)念佛而觀實諦，了知心佛一如，兩見俱泯，寂照雙融，觀力成就，能見諦故，可以破妄。

(攝)自他俱念之法，已於前講詳說。一行三昧，即念佛三昧，文殊般若經，佛告文殊，欲入一行三昧者，應處空閒，捨諸亂意，不取相貌，繫心一佛，專稱名字，隨彼方所，端身正坐，能於一佛，念，相繼，即是念中，能見過去未來現在諸佛。

## ◎(二) 詳喻感應道交

達見指專

接者不達此見指專者

三昧經云諸佛

心者大慈悲是

為佛所緣係

苦眾生若見

眾生受苦憐憫

如等而心欲救

其苦

注釋

「若達不達或見不見」單憶不感，達見即逝

「二憶念深」同於形影「漢范武張勸事例

十方如來憐念眾生」哀憫眾生，久在輪迴，備受諸苦，

十方諸佛同一念復，佛佛通同也。

設疑問答

十方佛念眾，應念何方

此土眾生應念西方弥陀

眾念十方去無定所

眾念一方則負餘方

帶戒與通俱不能去

帶業生西諸佛復念

彼眾每旦供十方佛



淺者喻淺  
障深者喻深

「如母憶子」前條喻淺，有盡時故，此喻喻極，無有窮期，佛憶眾生，實更過此，無言再可喻矣。前條設喻未釋，此條重喻明示。

二喻  
別義

專忘

喻信不修修而無恒緣淺眾生

(不達亦見)

佛光緣而有障蓮花生而沒萎

喻不知者知不信者障深眾生

(雖憶何為)

逃逝

自招公難不得度緣獄滅佛字

「子表憶母」證以宋朱青昌尋母事

信修

息念婆娑專求入天福報

二喻

無恒

捨力順修取自力逆脩

蓮佛慈心

補義

不知

不信

雖具有漏善無出世善根

世智辯聰增加所知之障

富貴眷屬時足得意忘形

◎三法合顯示深益

注釋

「憶佛念佛」憶者若續若斷，念者念念不忘，此憶念連於上

白，重在於心。

「現前當來必定見佛」

「夢中（法華）若於夢中見諸如來」

現前「定中（天集）至七七日照身見佛」

見佛「念中（往生信）普濟之夫人織機」

臨終(弥陀經)(往生傳)

當來

見佛

決定往生(可念佛土見彼現世之佛)  
身臨生死(了便可往蓮)方供佛  
無明斷盡轉識成智自性圓覺

必定

見佛

因果相應(一念十界種子相應)  
感應通交(念力能感注性能應)  
始本契合(始覺功深本覺顯現)

佛身

報身

勝應身(應身)

迷像身

去佛不遠 去者趨向

不遠義

事念事心 往生可期  
理念理心 自性顯現

不假方便 自得心開

不假  
方便

觀像觀想本門助緣之方便  
參禪修密借他助緣之方便  
功若專一可省諸法之助緣

自得  
心開

多劫業識消滅至極心豁然開（現在）  
但見弥陀何愁不悟因伸述開（當來）  
見佛開悟證通皆順次第

染即光

初極自學

如有企望

至香光莊

名上皆著

蘇述古餅

教而自依


之奉行者

也下文方

是美清名

得自性之佛

香光莊嚴此三昧名亦是法門名。





◎面述己自利利他

我本因地，本指過去之時，因指起日月燈光佛教念佛門。

以念佛心，此處之心，乃菩薩自述自心，所謂普通初機學念心。

念心

第一決定義云：得之明覺，無生滅性，為因地心。

此心顯本要根，以證之有都攝六根之句。

攝第一決定義，實謂能念之性體，此體方起所念之用。

借果修因，以果地覺，作因地心，而起修證。

入無生忍，此感之果，即實相正定，圓通妙法。

入證入義，即性清淨寂滅之真理。

無生無生滅實相義，俱之通達，信受悟入，而

唯識云：根皆稱心。果遂性心，意識之別。  
悟則為性，迷則為心。  
是則為心，了別為識。

孔十三而立

即為性之義

而此或曰

不為性之義

「忍」安住不動義。——得不退。(阿鞞跋致)

「攝念佛人」攝法有四，布施、愛語、利行、同事。凡夫不攝，如輪船汽車無電不行。攝之使修行三資糧。

「歸於淨土」此淨土專指西方，蓋菩薩現輔給陀，來自極樂，淨土雖十方皆有，而此章不攝修眾，而歸他土明矣。

(揚)此科六句：上三為菩薩自得境界，乃證入實相之大定。其證入法忍則一，果位却各不同，陀陀經：眾生之者皆具阿鞞跋致，何能果證此尊，仁王經云：「無生忍若菩薩，所謂遠不動觀慧，遠攝七地，不動八地，觀慧九地，證理是一，能證之功行，則有深淺，可以三獸渡。」

正法戒宗法  
祥來信淨以  
智力二力終弱  
有別之故

圓通圖

通方得



河喻之，所入之河是一，所涉之淺深則不同也。

下三純為度地之法，加出歸於淨土一事，而善薩  
仍是<sup>自</sup>性圓通三昧，今世投眾則不念，是必觀察  
法運時期，求生根器，而善巧契機，方能使地覆  
度耳。

◎乙五結答所證圓通

注釋

「佛問圓通」本經第五卷前佛問「我今問汝，最初發心，悟十  
八界，誰為圓通，從何方便，入三摩地」  
「都攝六根，攝六根，則六識不起，六塵不染，是十八界

自他二佛俱念

念起之時  
凡夫所緣不出  
六塵此即係  
所不同自佛  
他佛皆主歸  
正佛故教處  
自覺清淨  
緣淨自念  
淨

一念有二義  
一短時間也二  
對境一項也

全歸寂靜，如手五指齊撮，故曰選擇。

淨念相繼解如下表

識不染塵曰淨，攝根則內外斷絕

心起照而緣所曰念，

佛覺清淨心緣佛時，是名淨念，亦曰正念，

正念作主，方能攝根，攝根方歸正念，

有相互之功，如二木斜豎相撐。故以此，

便是返妄歸真。

相繼攝根心照緣佛，三者相互功用連續，

不離不斷，一念至誠一念淨，念至誠念，

一念即一刹那

擇定此一刹那

有六刹那

之

等至內定慧  
平均

修至我國勝

修者執其

飲海小瓢滴

信清其味

淨字諸經多

主身理圓融

不能執理空

事如對神機

淨

設喻，自己清淨本覺，即是於淨圓滿果覺，

若得法喜，其味勝於醍醐，若得定樂，

其樂勝過五欲，古人喻如蜂採蜜，取之

無厭，蠶之不去，進之沒束。

得三摩地，正定多類，此處之正定，指淨念相繼，圓照三身

四土之因，而證得圓通之大果。

斯為第一解列下表

有念有生滅，因果殊感，以佛經念現自佛故

無聲返聞，境高難入，此方真教體，清淨在音聞

十一



能根根以  
事理理事  
者全事即  
理

始於音終於圓，為教體綱領，獨契此方之機。

十方衆生，根器各殊，難以普及，十方法門，念佛為最，故以念佛當十方機，最為圓通。

（按）事念他佛，助顯本賢性佛，則次泥洹，異於觀音。

理念自佛，直顯涅槃心佛，則等泥洹，同

於觀音矣。

但念自佛，止能堅入三淨土，不能橫超西方。

但念自佛，諸聖所同，不顯此門之妙。

但被四教利根，不普三根，水勢至化他本旨，可參操


念佛人，歸於淨土之句。

念他佛心外取境之辯。圖人域然念他佛。了知他佛不離自  
心。權乘經未了達自心究竟心外決無別佛。故此念  
佛三昧。若達若悟。皆可共遵。達者遵之。不假方  
便。自得心開。悟者遵之。則自他不二。始覺合本  
矣。名為三昧中王。不亦宜乎。

在桃園蓮社講

# 楞嚴圓通章筆記

## ◎經題



智 (佛釋)  
 一切事相 (唯心)  
 究竟堅固 小真如 不堅固常佳  
 本無生滅 本不搖動  
 事依理起，全事即理  
 相法心生，全相即性  
 一切堅固

◎ 章 題

大勢至菩薩念佛圓通章

(人法複式)

(人)

(法)

大勢至  
 以智慧光普照一切  
 令離三途得無上力  
 我救苦眾生動大千  
 及廣宣妙法  
 能成辦一切  
 念佛三種  
 唯念自佛  
 唯念他佛  
 自他俱念

。科判

文分五

陳白古佛授法  
 詳喻感應通交  
 合喻顯示益深  
 述亡自利利他  
 結答所證圖通

先以二人  
 次以母子

五十二

乾慧地  
 十信  
 十住  
 十行  
 十回向  
 十地  
 等覺

非有智慧未得定水  
 只有矛盾未得理水

未

智(諸佛同)  
 身(項等)  
 放(因事異)  
 一由向空百千回向  
 一世界至百千世界

十二如來

一、無量壽光  
 二、無邊光  
 三、無碍光  
 四、無對光  
 五、炎王光  
 六、清淨光  
 七、歡喜光  
 八、智慧光  
 九、不斷光  
 十、難思光  
 十一、無稱光  
 十二、超日月光



念佛

事念

能念心，所念佛，不相捨離，如雞捕鼠，如雞執卵。正輪清淨。

理念

一句弥陀，即返念觀，能念心外，無有佛所念。所念佛外，無有能念心。心佛一致，實有年立。

事一心

願生淨土，一念深念，只能伏妄，未見通故。

三昧

理一心

念佛之時，諦實觀察，寂而常照，是名念而念。照而常寂，是念而多念。心佛一如，親見自性。

衆生念佛（攝念佛必得見佛）

形影

念佛成佛（以念佛心入無生忍）

十方三昧

觀經淨土經身  
即攝十方諸佛

夢中，定中，若於夢中見諸如來……

定中，大集，至七日現身見佛……

現前見佛

念中  
臨終，往生佛中多記

必定

因果相應（一念千累種子異熟）  
 感應道交（念力能感法性能應）  
 性本契合（持覺功深本覺顯現）

不迷

往聖可期（事念）  
 自性顯現（理念）

方便

觀像  
 觀想  
 參究  
 （約事念）

心開

以心作佛  
 是心是佛  
 寂照雙融  
 （約理念）

染香

念佛是染香香（下根）  
 近佛身染身香（中根）  
 聞佛心染心香（上根）





# 無量壽經優婆提舍願生偈

此卷依東瀛本  
與藏內稍別

婆藪槃頭菩薩造 元魏菩提留支譯

世尊我一心。	歸命盡十方。	無礙光如來。	願生安樂國。	我依修多羅。
眞實功德相。	說願偈總持。	與佛教相應。	觀彼世界相。	勝過三界道。
究竟如虛空。	廣大無邊際。	正道大慈悲。	出世善根生。	淨光明滿足。
如鏡日月輪。	備諸珍寶性。	具足妙莊嚴。	無垢光燄熾。	明淨曜世間。
寶性功德草。	柔輭左右旋。	觸者生勝樂。	過迦旃鄰陀。	寶華千萬種。
彌覆池流泉。	微風動華葉。	交錯光亂轉。	宮殿諸樓閣。	觀十方無礙。
雜樹異光色。	寶欄徧圍繞。	無量寶交絡。	羅網徧虛空。	種種鈴發響。
宣吐妙法音。	雨華衣莊嚴。	無量香普熏。	佛慧明淨日。	除世癡闇冥。
梵聲悟深遠。	微妙聞十方。	正覺阿彌陀。	法王善住持。	如來淨華衆。
正覺華化生。	愛樂佛法味。	禪三昧爲食。	永離身心惱。	受樂常無閒。

大乘善根界。等無譏嫌名。女人及根缺。二乘種不生。衆生所願樂。  
一切能滿足。是故願生彼。阿彌陀佛國。無量大寶王。微妙淨華臺。  
相好光一尋。色像超羣生。如來微妙聲。梵響聞十方。同地水火風。  
虛空無分別。天人不動衆。清淨智海生。如須彌山王。勝妙無過者。  
天人丈夫衆。恭敬繞瞻仰。觀佛本願力。遇無空過者。能令速滿足。  
功德大寶海。安樂國清淨。常轉無垢輪。化佛菩薩日。如須彌住持。  
無垢莊嚴光。一念及一時。普照諸佛會。利益諸羣生。雨天樂華衣。  
妙香等供養。讚諸佛功德。無有分別心。何等世界無。佛法功德寶。  
我願皆往生。示佛法如佛。我作論說偈。願見彌陀佛。普共諸衆生。  
往生安樂國。

無量壽修多羅章句。我以偈頌總說竟。

論曰。此願偈明何義。示現觀彼安樂世界。見阿彌陀佛。願生彼國故。云何觀。云何生。



信心。若善男子善女人修五念門行成就。畢竟得生安樂國土。見彼阿彌陀佛。何等五念門。一者禮拜門。二者讚歎門。三者作願門。四者觀察門。五者迴向門。云何禮拜。身業禮拜阿彌陀如來。應正徧知。爲生彼國意故。云何讚歎。口業讚歎。稱彼如來名。如彼如來光明智相。如彼名義。欲如實修行相應故。云何作願。心常作願。一心專念。畢竟往生安樂國土。欲如實修行奢摩他故。云何觀察。智慧觀察。正念觀彼。欲如實修行毗婆舍那故。彼觀察有三種。何等三種。一者觀察彼佛國土莊嚴功德。二者觀察阿彌陀佛莊嚴功德。三者觀察彼諸菩薩莊嚴功德。云何迴向。不捨一切苦惱衆生。心常作願。迴向爲首。得成就大悲心故。

云何觀察彼佛國土莊嚴功德。彼佛國土莊嚴功德者。成就不可思議力故。如彼摩尼如意寶性。相似相對法故。觀察彼佛國土莊嚴功德成就者。有十七種應知。何等十七。一者莊嚴清淨功德成就。二者莊嚴量功德成就。三者莊嚴性功德成就。四者莊嚴形相功德成就。五者莊嚴種種事功德成就。六者莊嚴妙色功德成就。七者莊

嚴觸功德成就。八者莊嚴三種功德成就。九者莊嚴兩功德成就。十者莊嚴光明功德成就。十一者莊嚴妙聲功德成就。十二者莊嚴主功德成就。十三者莊嚴眷屬功德成就。十四者莊嚴受用功德成就。十五者莊嚴無諸難功德成就。十六者莊嚴大義門功德成就。十七者莊嚴一切所求滿足功德成就。莊嚴清淨功德成就者。偈言。觀彼世界相。勝過三界道。莊嚴量功德成就者。偈言。究竟如虛空。廣大無邊際。莊嚴性功德成就者。偈言。正道大慈悲。出世善根生。莊嚴形相功德成就者。偈言。淨光明滿足。如鏡日月輪。莊嚴種種事功德成就者。偈言。備諸珍寶性。具足妙莊嚴。莊嚴妙色功德成就者。偈言。無垢光燄熾。明淨曜世間。莊嚴觸功德成就者。偈言。寶性功德草。柔輭左右旋。觸者生勝樂。過迦旃鄰陀。莊嚴三種功德成就者。有三種事應知。何等三種。一者水。二者地。三者虛空。莊嚴水功德成就者。偈言。寶華千萬種。彌覆池流泉。微風動華葉。交錯光亂轉。莊嚴地功德成就者。偈言。宮殿諸樓閣。觀十方無礙。雜樹異光色。寶欄徧圍繞。莊嚴虛空功德成就者。偈言。無量寶

交絡羅網徧虛空。種種鈴發響。宣吐妙法音故。莊嚴雨功德成就者。偈言。雨華衣莊嚴。無量香普熏故。莊嚴光明功德成就者。偈言。佛慧明淨日。除世癡闇冥故。莊嚴妙聲功德成就者。偈言。梵聲悟深遠。微妙聞十方故。莊嚴主功德成就者。偈言。正覺阿彌陀。法王善住持故。莊嚴眷屬功德成就者。偈言。如來淨華衆。正覺華化生故。莊嚴受用功德成就者。偈言。愛樂佛法味。禪三昧爲食故。莊嚴無諸難功德成就者。偈言。永離身心惱。受樂常無閒故。莊嚴大義門功德成就者。偈言。大乘善根界。等無譏嫌名。女人及根缺。二乘種不生故。淨土果報。離二種譏嫌。過應知。一者體。二者名。體有三種。一者二乘人。二者女人。三者諸根不具人。無此三過故。名離體譏嫌。名亦三種。非但無三體。乃至不聞二乘女人諸根不具三種名故。名離名譏嫌。等者。平等一相故。莊嚴一切所求滿足功德成就者。偈言。衆生所願樂。一切能滿足故。略說彼阿彌陀佛國土十七種莊嚴功德成就。示現如來自身利益大功德力成就。利益他功德成就故。彼無量壽佛國土莊嚴第一義諦妙境界相十六句及一句次第說應知。



云何觀佛莊嚴功德成就。觀佛莊嚴功德成就者。有八種相應知。何等八種。一者莊嚴座功德成就。二者莊嚴身業功德成就。三者莊嚴口業功德成就。四者莊嚴心業功德成就。五者莊嚴大衆功德成就。六者莊嚴上首功德成就。七者莊嚴主功德成就。八者莊嚴不虛作住持功德成就。何者莊嚴座功德成就。偈言。無量大寶王。微妙淨華臺故。何者莊嚴身業功德成就。偈言。相好光一尋。色像超羣生故。何者莊嚴口業功德成就。偈言。如來微妙聲。梵響聞十方故。何者莊嚴心業功德成就。偈言。同地水火風。虛空無分別故。無分別者。無分別心故。何者莊嚴大衆功德成就。偈言。天人不動衆。清淨智海生故。何者莊嚴上首功德成就。偈言。如須彌山王。勝妙無過者故。何者莊嚴主功德成就。偈言。天人丈夫衆。恭敬繞瞻仰故。何者莊嚴不虛作住持功德成就。偈言。觀佛本願力。遇無空過者。能令速滿足。功德大寶海故。卽見彼佛。未證淨心菩薩。畢竟得證平等法身。與淨心菩薩。與上地諸菩薩。畢竟同得寂滅平等故。略說八句示現如來自利利他功德莊嚴次第成就。應知。

云何觀察菩薩莊嚴功德成就。觀察菩薩莊嚴功德成就者。觀彼菩薩有四種正修行功德成就。應知。何者爲四。一者於一佛土身不動搖。而徧十方種種應化。如實修行。常作佛事。偈言。安樂國清淨。常轉無垢輪。化佛菩薩日。如須彌住持故。開諸衆生淤泥華故。二者彼應化身。一切時不前不後。一心一念。放大光明。悉能徧至十方世界。教化衆生。種種方便。修行所作。滅除一切衆生苦故。偈言。無垢莊嚴光。一念及一時。普照諸佛會。利益諸羣生故。三者彼於一切世界。無餘照諸佛會大衆。無餘廣大無量供養恭敬讚歎諸佛如來功德。偈言。雨天樂華衣。妙香等供養。讚諸佛功德。無有分別心故。四者彼於十方一切世界。無三寶處。住持莊嚴佛法僧寶功德大海。徧示令解如實修行。偈言。何等世界無佛法功德寶。我願皆往生。示佛法如佛故。

又向說觀察莊嚴佛土功德成就。莊嚴佛功德成就。莊嚴菩薩功德成就。此三種成就。願心莊嚴。應知。略說入一法句故。一法句者。謂清淨句。清淨句者。謂真實智慧無爲法身故。此清淨有二種。應知。何等二種。一者器世間清淨。二者衆生世間清淨。器



世間清淨者。如向說十七種莊嚴佛土功德成就。是名器世間清淨。衆生世間清淨者。如向說八種莊嚴佛功德成就。四種莊嚴菩薩功德成就。是名衆生世間清淨。如是一法句。攝二種清淨義。應知。

如是菩薩奢摩他。毗婆舍那。廣略修行。成就柔軟心。如實知廣略諸法。如是成就巧方便迴向。何者菩薩巧方便迴向。菩薩巧方便迴向者。謂說禮拜等五種修行。所集一切功德善根。不求自身住持之樂。欲拔一切衆生苦故。作願攝取一切衆生。共同生彼安樂佛國。是名菩薩巧方便迴向成就。菩薩如是善知迴向成就。卽能遠離三種菩提門相違法。何等三種。一者依智慧門。不求自樂。遠離我心貪著自身故。二者依慈悲門。拔一切衆生苦。遠離無安衆生心故。三者依方便門。憐愍一切衆生心。遠離供養恭敬自身心故。是名遠離三種菩提門相違法。菩薩遠離如是三種菩提門相違法。得三種隨順菩提門法滿足故。何等三種。一者無染清淨心。以不爲自身求諸樂故。二者安清淨心。以拔一切衆生苦故。三者樂清淨心。以令一切衆生得大苦。

提故以攝取衆生生彼國土故。是名三種隨順菩提門法滿足。應知。向說智慧慈悲方便三種門。攝取般若。般若攝取方便。應知。向說遠離我心。不貪著自身。遠離無安衆生心。遠離供養恭敬自身心。此三種法。遠離障菩提心。應知。向說無染清淨心。安清淨心。樂清淨心。此三種心。略一處成就妙樂勝真心。應知。如是菩薩智慧心。方便心。無障心。勝真心。能生清淨佛國土。應知。是名菩薩摩訶薩隨順五種法門。所作隨意自在成就。如向所說身業。口業。意業。智業。方便智業。隨順法門故。

復有五種門。漸次成就五種功德。應知。何者五門。一者近門。二者大會衆門。三者宅門。四者屋門。五者園林遊戲地門。此五種門。初四種門。成就入功德。第五門。成就出功德。入第一門者。以禮拜阿彌陀佛。爲生彼國故。得生安樂世界。是名入第一門。入第二門者。以讚歎阿彌陀佛。隨順名義。稱如來名。依如來光明智相修行故。得入大會衆數。是名入第二門。入第三門者。以一心專念作願生彼。修奢摩他寂靜三昧行故。得入蓮華藏世界。是名入第三門。入第四門者。以專念觀察彼妙莊嚴。修毗婆舍

那故。得到彼處。受用種種法味樂。是名入第四門。出第五門者。以大慈悲。觀察一切苦惱衆生。示應化身。迴入生死園煩惱林中。遊戲神通。至教化地。以本願力。迴向故。是名出第五門。菩薩入四種門。自利行成就。應知。菩薩出第五門。迴向利益他行成就。應知。菩薩如是修五門行。自利利他。速得成就。阿耨多羅三藐三菩提故。

無量壽修多羅優婆提舍願生偈略解義竟。

無量壽經優婆提舍願生偈



# 附 般若波羅蜜多心經 科會

甲一 顯了般若<sup>二</sup>（令誦、生慧、滅煩惱障）

乙一 據行 略標綱要<sup>四</sup>

丙一 能觀人

觀自在菩薩。

丙二 所行行

行深般若波羅蜜多時。

丙三 觀行境

照見五蘊皆空。

丙四 明利益

度一切苦厄。

乙二 就解 廣陳實義<sup>五</sup>

丙一 拂外疑<sup>四</sup>（法義空）

丁一 當機者

舍利子。

丁二 先釋凡外疑

色不異空。

丁三 次釋二乘疑

空不異色。

丁四 便顯正義

色即是空。空即是色。

丙二 顯法體<sup>二</sup>（法體空）

丁一 總顯

舍利子。是諸法空相。

丁二 別顯

不生不滅。不垢不淨。不增不減。

丙三 明所離<sup>四</sup>

丁一 法相開合門

(蘊處界)

是故空中無色。無受想行識。

無眼耳鼻舌身意。

無色聲香味觸法。

無眼界。乃至無意識界。

丁二 緣起順逆門

(十二緣起)

無無明。亦無無明盡。

乃至無老死。亦無老死盡。

丁三 染淨因果門

(四諦)

無苦集滅道。

丁四 境智能所門

(六度)

無智亦無得。

丙四 辨所得二

丁一 牒前起後

以無所得故。

丁二 正明所得二

戊一 先明菩薩得涅槃斷果二

己一 舉人依法

菩提薩埵。

依般若波羅蜜多故。

己二 斷障得果

庚一 行成

心無罣礙。

庚二 斷障

無罣礙故。無有恐怖。遠離顛倒夢想。

庚三 得果

究竟涅槃。



戊二 後明諸佛得菩提智果二

己一 舉人依法

三世諸佛。

依般若波羅蜜多故。

得阿耨多羅三藐三菩提。

己二 正明得果

丙五 結歎勝能

丁一 別歎

故知般若波羅蜜多。

是大神咒。是大明咒。是無上咒。是無等等咒。

能除一切苦。真實不虛。

丁二 總結

甲二 祕密般若二 (令持、生福、滅三障)

乙一 牒前起後

故說般若波羅蜜多咒。

乙二 正說咒詞

即說咒曰。

揭諦。揭諦。波羅揭諦。波羅僧揭諦。菩提薩婆訶。



願以此功德

莊嚴佛淨土

上報四重恩

下濟三途苦

若有見聞者

悉發菩提心

盡此一報身

同生極樂國

# 大勢至菩薩念佛圓通章

滿益大師釋·圓瑛法師講義·李炳南居士表稿  
往生論

世親菩薩造

印行：蓮因寺 大專學生齋戒學會

南投縣水里鄉頂崁村圳頭巷十五號之一

(〇四九)七七〇七九〇

承印：金星堂印刷廠有限公司

台中市成功路二六九號

(〇四)二二三二八二二

中華民國八十年六月恭印一千冊

贈送本

蓮因寺  
大專學生齋戒學會 敬贈



